

仪礼识误

张淳

文硕阁

wenshuoge.com

目录

关于我们	3
仪礼识误目录	5
仪礼识误序	7
仪礼识误卷一	8
仪礼识误卷二	17
仪礼识误卷三	27

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

仪礼识误目录

序

卷一

士冠礼误字

士昏礼误字

士相见礼误字

乡饮酒礼误字

乡射礼误字

燕礼误字

大射仪误字

聘礼误字

公食大夫礼误字

卷二

觐礼误字

丧服误字

士丧礼误字

既夕礼误字

士虞礼误字

特牲馈食礼误字

少牢馈食礼误字

有司彻误字

卷三

释文误字

【臣】等谨案仪礼识误三卷宋张淳 淳字忠甫永嘉人乾道八年两浙转运判官直秘阁曾逮刊仪礼郑氏注十七卷陆氏释文一卷淳为之校定因举所改字别为是书其引据有周广顺三年及显德六年刊行之监本有汴京之巾箱本杭之细字本严之重刊巾箱本参以释文疏覈订异同最为详核近世久无传本故朱彝尊经义攷以为已佚惟永乐大典所载诸条犹与诸家解说散附经文之后尚可缀录成编其乡射大射二篇适在永乐大典缺卷之中则不可复攷矣朱子语类有曰仪礼人所罕读难得善本而郑注贾疏之外先儒旧说多不复见陆氏释文亦甚疎畧近世永嘉张淳忠甫校定印本又为一书以识其误号为精密然亦不能无舛谬又曰张忠甫所校仪礼甚仔细校他本为最胜其见称于朱子如是今观其书株守释文往往以习俗相沿之字转改六书正体则朱子所谓不能无舛谬者诚所未免然是书存而古经汉注之讹文脱句借以攷识宋槧诸本之不传于今者亦借以存其崖畧其有功于仪礼诚匪浅小今谨加案语正其得失俾瑜瑕不相掩其原本残缺数处亦攷订补缉各附于下方是书宋史艺文志作一卷而陈振孙书录解题文献通攷咸作三卷攷淳自序言裒所校之字次为二卷以释文误字为一卷附其后总为三卷则宋志一卷为传写之误明矣乾隆四十五年五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

仪礼识误序

仪礼未知孰作或曰周公作之也孔子孟子有学礼之言礼记有读礼之文当是时固已有简牘之传矣决非秦汉间笔也其制度必出于圣人若曰周公作之则非淳之所知也汉时言经则离记言记则离经今记附经之后者又谁也出于孔氏之宅壁者曰礼记河间献王之得先秦古书者曰礼记夫礼者今之仪礼记者今仪礼之记时未有仪礼之名也岂汉后学者覩十七篇中有仪有礼遂合而名之欤秦暴焚书礼之见于汉者犹有古经五十六卷经七十篇记百三十一篇汉之君臣特不好不尚而已至宣成世大小戴刘向所录止十七篇十盖逸其七八孰谓不好不尚之祸乃甚于秦之焚之也鲁人高堂生传士礼十七篇其篇数与今仪礼同陆德明贾公彦皆以为今仪礼攷之西汉艺文志高堂生之礼后仓最明仓以传大小戴古经者出鲁淹中多天子诸侯卿大夫制愈于仓等推士礼以致天子夫如是则高堂生所传特士礼尔今仪礼中所谓士礼有冠昏相见丧既夕虞特牲馈食七篇他皆天子诸侯卿大夫礼必非高堂生所传者不知贾陆二子何据而云尔汉数六经礼乐与焉厥后乐书亡矣有仪礼在亦复不取周礼古矣然圣人设官分职之书也至其所用以长以治者岂能舍仪礼礼记古矣然皆释仪礼之义若祭义冠义昏义乡饮酒义射义燕义聘义是也岂得而先仪礼班固之论曰六经之道同归礼乐之用为急固之言必有得于先生长者之绪余而非臆度也古者圣王重礼以之修身以之齐家以之治国以之平天下以之丰财裕民以之强兵御侮厥后狃于淫靡骄倨苟且之习不惟缓其所急亦既废之成德致治之具废而望学士大夫有日可见之行如三代国之安富尊荣如三代所以难也郑康成收拾于大小戴及刘向别录中参以今古之文定为之注其书已不纯古矣陆德明因刘范二家之音作为释文刘之本如以时为眚以糟为以洗为淬以纆为繡以御为衙与德明本异矣德明之本尚非刘本其可谓纯郑乎至贾公彦所据作疏之本又德明所谓亦作又作或作之本也公彦论乡饮酒执觶兴洗北面之句云俗本有盥字【案兴洗永乐大典原本作兴所今据经文改正】然则今之本又公彦所谓俗本也此书之传如是而已岁久而文益讹既讹而莫之订礼之又失其谁尤乎乾道七年春今两浙转运判官直秘阁曾公来守是承湣歉之余究心于理务广上恩其効绩之着至于风雨时疠疫息越明年夏欲植教本肇饬仪礼孔子曰礼仪三百威仪三千待其人而后行公岂其人也淳初与谢黔论学曰论语曰子所雅言诗书执礼又曰兴于诗立于礼又曰学诗学礼学其在是乎相与取诗礼归而诵之数年黔皆终卷且萃其說淳敏不类未能半也而成岁之漂黔不克免淳怆孤陋其学旋废【案成歲之漂未详其义据上言淳初与谢黔论学似谓谢黔终年漂流】顷撓私丧阅丧祭之礼以省所忘愤愤莫能再读公以淳尝识此书也命之校之淳亦幸此书之且有善版也遽拜不辞此书初刊于周广顺之三年复校于显德之六年本朝因之所谓监本者也而后在京则有巾箱本在杭则有细字本渡江以来严人取巾箱本刻之虽咸有得失视后来者为善此皆淳之所见者也淳首得严本故以为据参以羣本不足则质之疏质之释文疏释文又不足则阙之盖不敢以謏见断古经也监本者天下后世之所祖巾箱者严本之所祖故其有误则亦辨之余则采其所长而已既毕裒其所校之字次为二卷以释文误字为一卷附其后总三卷题曰仪礼识误岂独以识仪礼之误亦以自识其误也

仪礼识误卷一

宋 张淳 撰

士冠礼误字

眡 注曰天子与其臣 冕以视朔皮弁以日视朝诸侯与其臣皮弁以视朔朝服以日视朝按释文云眡音视本或作视下同陆既音视正文非视字明矣其后纂音纂而今文作纂遁音巡而今文作巡妃音配而今文作配防音策而今文作策道音导而今文作导版音板而今文作板俛音夷而今文作夷辟音壁而今文作壁枋音柄而今文作柄若此者皆后人率意改之尔礼记玉藻从视周礼从眡虽视眡义同亦各从其初所用字可也从释文

撤 经曰彻筮席注曰彻去也按释文写注作撤注举经以释之注字必与经同宜皆作撤从释文【案说文无撤字彻通彻去古皆用彻如篇题有司彻未闻有作撤者也撤乃后代俗书张氏不能订正其非转改彻以从撤疎矣】

染 注曰凡染絳一入谓之縹再入谓之赭三入谓之纁朱则四入欵按释文云再染如琰反下二字同盖以再入三入四入之入皆染字也尔雅有再染三染之文此郑氏用染字之据也若染絳之染则去声也从释文

也

注曰易曰夫 黄者天地之杂色郑氏正引易文不必改也为色也字近色传写者误尔从易

注曰足以韬发而结之矣按释文云 土刀反又士昏礼注之縹发释文亦云他刀反本又作 以二音攷之其字不为 则为縹今之为韬未知孰据从释文【案说文有韬无縹縹即韬之别体耳 本训滑与韬同音故韬亦借用 张氏淳于字学未有见转以作韬为非疎矣】

以 注曰谓此上凡六物按释文云以上从释文为纂

注曰匱作纂按释文云为纂素管反刘音纂纂字既误作字必非竝从释文

为檐 注曰玷作檐按释文云为檐以占反广韵云檐与檐同屋檐也埤谓之玷故或为檐今从檐非也檐字既误作字必非竝从释文

捷 注曰扱栖于體中按释文云捷初洽反本又作插亦作扱其后乡射之注曰搢插也插于带右大射之注曰搢扱也士丧礼之注曰搢插也插于带之右旁释文皆作捷由是观之释文之前捷字犹在释文之后始尽变而为插扱尔竝从释文

贄 经曰奠摯见于君遂以摯见于乡大夫乡先生注曰摯雉也按释文云贄本又作摯音至虽

𡗗 摯皆有据陆德明所释之本必从贝也从释文

涖 经曰吾子将莅之注曰莅临也按释文云涖音利一音类其后丧礼经曰涖卜特牲馈食经曰吾子将涖之皆用涖字从释文

士昏礼误字

庙 经曰至于庙门详攷仪礼庙字冠礼经之庙四注之庙九皆从苗既夕礼经之庙五注之庙如冠礼之注皆从朝士虞礼经之庙如既夕礼之经注之庙十有三皆从苗特牲馈食礼经之庙五皆从苗少牢馈食礼经之庙六注之庙四皆从苗至于士昏礼经之庙七【案此处有脱误据士昏礼经文并注当云经之庙五注之庙七】从苗者九余从朝聘礼经之庙五皆从朝注之庙二十有八从苗者十有三从朝者十有五公食大夫礼经之庙一从朝注之庙四从苗者一从朝者三觐礼经之庙一从苗注之庙四监本则苗朝皆二巾箱严本则一苗三朝丧服经之庙二注之庙七皆从朝士丧礼经之庙二监本皆从苗巾箱严本则一苗一朝注之庙四监本则苗三巾箱严本则朝三有司经之庙七皆苗注之庙二皆朝按释文士冠礼云庙刘昌宗音庙按庙古庙字引此证经经不当复有从朝者第十六卷少牢馈食礼之注引春秋禘于大庙郑氏亦写从苗引此证注注亦不当复有从朝者冠礼一卷经注皆一自昏礼而下稍稍从朝是盖后之传抄校勘者失于不审而已近岁湖北漕司所刻本字皆从朝不审之失可验矣今悉改作庙从释文

遁 注曰辟逡巡按释文云逡遁音旬郑氏于仪礼用逡遁字凡十有一释辟者八释退者三此与士相见礼皆释辟者也今本乃作巡至开宝释文之本又独于此作巡未知孰据仪礼用字固未尝同今诸释文之本既皆作遁且遁有退逃意从诸本释文

拊授 注曰出房南面待主人迎受按释文云拊授吾故反既夕礼曰若无器则拊授之注曰谓对相授玉篇曰拊受也从既夕礼拊对之說谓待主人之来对而授之也从玉篇拊受之說谓待主人之受其所授也二說皆通必改为迎受以变旧何也从释文

𦔻 经曰浴𦔻加勺按释文𦔻作𦔻后撤尊𦔻乡饮酒乡射尊浴𦔻同从释文【案周礼𦔻人掌其巾𦔻祭祀以疎布巾𦔻八尊以画布巾𦔻六彝可证仪礼中凡尊𦔻皆当作𦔻明矣說文𦔻从巾冥声周礼有𦔻人今周礼作𦔻即𦔻之变体俗或讹作𦔻又作𦔻皆非五经文字云𦔻与𦔻同盖因释文二字溷淆遂误合为一张氏淳据释文改尊𦔻从𦔻𦔻之𦔻于字学殊少精覈】

衣 注曰女从者毕袵 则此亦 矣按疏此下有衣字从疏

防 注曰刺黼以为领按释文云防黼七亦反刘音刺史之刺五经文字云作防訛岂其未见郑之注刘陆之释文欤从释文【案說文无防字防即刺之俗体五经文字云作防訛是也此引而辨之又改是从非疎矣】

御 注曰以为行道御尘按释文云御尘鱼吕反既夕礼注御土御湿皆作御从释文

布 经曰媵布席于奥按释文云媵席中无布字从释文

杙 经曰匕者进退按释文云杙必履反刘云匕器名杙者杙载也陆之详论之所以辨时本之误也其后士丧礼乃杙载又曰杙者士虞礼杙者特牲馈食乃杙有司杙羊杙豕鱼字皆从木至少牢馈食长杙古文作 郑氏亦改为杙从释文

齐 经曰皆振祭济肝按释文云齐才计反齐济古通用此从口者后人加之尔从释文

乃撤 经曰乃彻于房中按释文云乃撤刘直列反陆氏之作释文或以其字误而释之若撤之类是也仪礼十七篇未尝音彻字至有司彻之彻始有音亦以或本作撤故耳此之有音非辨误欤二字从释文

覿 注曰孟子曰将见良人之所之按释文云将覿刘古徧反今本亦作见见今本则覿古本也且与今孟子合从释文

段 经曰受筭殿脩升按释文曰段脩丁乱反本又作殿从释文

餽 注曰不餽败按释文云餽奴罪反从释文【案此条当举餽字表于上又所引释文当作餽今竝讹而为餽遂不可通释文近刻亦讹作餽考之说文餽饥也从食委声一曰鱼败曰餽说文别无餽字唐张参五经文字云餽奴罪反饥也经典相承别作餽为饥餽字以此字为餽饷之餽字书无文五经文字此辨甚明餽字出于后人所别作然则宜改正从餽可知】

道妇 注曰勉帅妇道以敬其为先妣之嗣按释文上帅道之注云下帅道同谓此句也此句当日勉帅道妇从释文

概 经曰某之子未得濯溉于祭祀按释文云概古代反少牢馈食概鼎匕俎概甗甗匕与敦概豆筴勺爵觚觶字皆作概从释文

不 经曰某得以为昏姻之故不敢固辞敢不从按五代广顺中监本同至显德中吉观国所校监本乃曰敢从中无不字或曰岁久版脱之也从广顺本土相见礼误字

摯 此卷摯字经注总四十有四皆从手按释文云摯本又作摯音同其从手者必非陆氏所释本今改从贝至庶人之摯鵷释文本从手竝从释文

也 注曰固以请也按疏无也字从疏

之以索 注曰维谓系聯其足按释文云以索悉各反注同今注无以索字经曰饰之以布维之

以索注举饰之以布全句释之至下句不应独曰维此必今本脱去之以索三字今增入从释文

从 注曰羔取其后帅按监本后作从疏引注文亦作从至其下释乃云凡羔羊皆有引帅若卿之后君之命者也【案羔羊下今注疏本有羣字】此释亦误以从为后字近从传写误也从监本

办 注曰具犹辨也按释文云办皮菟反特牲馈食注亦曰具犹辨也从释文【案說文无办字徐氏新附始有之古字办通用辨考工记以辨民器郑注云辨犹具也释文亦作辨云皮菟反具也然则仪礼音义作办者乃后人所改非陆氏之旧此据以改注于攷古殊疎宋娄机班马字引史记秦始皇本纪倚辨于上项羽本纪项梁常为主辨今史记辨亦作办皆后人不识古字凭臆妄改以就其谬】

乡饮酒礼误字

嫺 注曰孝友睦姻任恤按周礼姻作嫺郑氏引经多用古字若玉藻视朔视朝郑氏引作眡周颂于穆清庙郑氏引作庶于此必不改嫺为姻从周礼

陈 注曰当陈揖监巾箱杭本陈皆作楣自严本以后始正作陈疏引尔雅陈堂涂也从严本

日 注曰事同日让事异日辞监及巾箱杭本日作日从严本

壹 注曰古文一作壹按经云壹揖壹让升壹字当在上从经

正 注曰疑正立自定之貌独监本正作止乡射注曰疑止也诸本皆同按士昏礼注曰疑正立自定之貌公食大夫注曰疑正立也传写者误以二正为止竝从士昏及公食大夫礼

小 注曰少退少辟乡射经曰主人少退注曰少退犹少辟也经又曰宾少退注曰少退少逡遁也按释文少辟少逡遁皆作小盖郑氏以小释少言此少退之少与少牢少长之少字同而义不同今释文见者皆去声不见者皆上声此注少改作小从释文

設 注曰可则效也大射燕礼同此盖引诗是则是效也故好事者皆改为效按释文云設户孝反本又作效大射云設户教反亦作效燕礼云效户教反本又作設是必古文設效通用宜各从其故从释文

宴 注曰与之燕乐也按释文燕作宴从释文

蕈 注曰葛蕈按释文葛蕈大南反五经文字云诗葛蕈亦作蕈九经字樣云葛蕈经典或作蕈今不作蕈非古也后燕礼同从释文

盥 经曰执觶兴盥洗北面按【原本缺 案永乐大典此处注原本缺三字今攷下文乃引贾氏疏语盖脱一疏字耳】曰乡射大射礼皆直云取觶洗南面反奠于其所不云盥此俗本有盥者误今去盥字从疏

复 注曰拜宾服自屈辱也按释文复扶又反近湖北本作腹讹益甚

复 注曰先戒而又宿戒按释文复字注曰而复同此又必复字也从释文

犧 注曰【缺 案永乐大典此处注一缺字盖原本缺也攷之注文云挺犹犧也乡射礼曰祭半犧犧长尺有二寸释文云犧音职本亦作犧是书多从释文本字不从别字如今本释文犧为本字犧为别字无庸举犧字以改注矣似张氏所见释文旧本乃犧音职本亦作犧故改注中犧字从之耳説文无犧字】

乡射礼误字【案此篇散见永乐大典射字后今缺攷前士冠礼引乡射注搢插也从释文改插为防士昏礼引乡射尊绌幂从释文改幂为𦘔乡饮酒礼引乡射注疑止也从士昏及公食大夫礼改正为正又引乡射注少辟少逡遁竝从释文改少为小又乡饮酒注挺犹犧也改犧从犧则乡射记五犧祭半犧犧长尺有二寸及注内犧字凡三见皆改从犧可知】

燕礼误字

路 注曰寝露寝按疏露作路后记之注亦作路从疏𦘔 经曰幂用绌若【案此下原本缺攷之经文幂用绌若锡注曰幂用绌若锡冬夏异也经及注两幂字张氏竝改从𦘔前士昏礼绌幂加勺彻尊幂及乡饮酒乡射绌幂从释文改幂为𦘔燕礼释文虽无𦘔字盖据士昏乡饮酒乡射释文订正又篇内执幂举幂反幂彻幂之属皆改从𦘔可推而知其误辨详士昏礼𦘔字下】

大 注曰宰夫大宰之属巾箱杭本大作人从监严本壹 注曰所谓【缺 案此原本缺也攷之注文云记所谓一张一弛者是之 欵释文一作壹张氏盖从释文】

□ 注曰鹿鸣君与臣下及四方之宾宴又曰宴欢在于饮酒成其意按监本宴竝作□从监本【案此条殊谬説文宴从宀晏声无作□者监本□乃笔画偶舛张氏从之疎矣】

□ 注曰与之宴【缺

案此原本缺也攷之注文云与之宴乐也宴字不误説详上条张氏亦改从监本作□】

飧 注曰主国君乡时亲进醴【缺 案此原本缺也攷之注文云主国君乡时亲进醴于宾今燕又宜献焉释文云飧许两反或作乡非张氏盖从释文改乡为飧又案疏云主国君乡时亲进醴于宾者谓行聘享讫礼宾之时君亲酌醴进于宾又云飧礼亡无以引证食礼义无酒醴所献之事故不言而云乡时也据贾疏辩论甚明注文当作乡不作飧释文误也张氏从之疎矣

】

□ 经曰袒朱襦按释文云□如朱反从释文【案说文襦从衣需声无作□者释文此字乃隋唐间俗体张氏不能援舌订正转改是从非疎矣】

大射仪误字【案此篇亦散见永乐大典射字后今缺攷前士冠礼引大射注搢扱也从释文改扱为捷乡饮酒礼引大射注可则效也从释文改效作設】

聘礼误字

大 注曰诸侯谓司徒为宰又曰宰夫宰之属也按释文云大宰音泰下放此自宰命司马而下皆不见大字古者天子有大宰诸侯则以司徒兼之窃疑注司徒为宰之句合称大宰又燕礼注曰宰夫大宰之属大射注曰宰夫冢宰之属公食大夫注曰甸人 宰之属又曰司宫大宰之属彼不兼大则兼 此不应独称宰之属故又疑注宰之属也之句亦有大字余无据者不敢增独增二大从释文

妃 注曰天地配合之象也按释文云妃音配从释文防 经曰司马执策立于其后按释文云防音策仪礼谓蓍为防士冠礼筮人执防丧礼韞藏防之器者是也谓槌为防此司马执防既夕礼御者执防特牲馈食礼北面以防动作豕者是也至此篇之防祝策简既夕礼之书于策则策也今本以槌防亦为策其误明矣从释文【案说文无防字防即策之俗体说文云策马槌也从竹束声五经文字云策礼记作防释文以为 策字久讹今不敢辄改谓策久讹作防是也张氏淳不知槌防 防竝策之讹转以作策者为误而改是从非于六书之学疎矣】

一 经曰未入竟壹肆按释文云一肆从释文

几 注曰以讥异服按释文云几音机本亦作讥从释文

与 注曰其有来者者巾箱杭本同监本无一者字按释文云者与音余盖传写者误以与字作者尔监本以其重复遂去其一尤非也从释文

簠 经曰竹簠方按释文云簠音甫刘音蒲本或作簠外圆内方曰簠内圆外方曰簠释文明着内外方圆之制盖辨或本之误也郑氏注曰以竹为之状如簠而方若取郑注易簠以簠字读之簠义甚明郑氏固作簠字解矣今诸本犹从或本惑之甚也从释文

铉 此卷经注铉字凡六其二作铉其四作铉按释文云铉音刑不及铉字必皆铉也从释文【案说文铉器也铉似钟而颈长仪礼铉字公食大夫篇注云菜和羹之器不当作铉明矣五经文字云铉铉竝音刑上祭器下乐器礼记或通用下字为祭器明铉字虽可通用究以作铉为正张氏淳尽改铉从铉据说文断之其于字之本义殊疎】

办 注曰俟办也释文云办蒲苋反办具之办监杭本作辨误也从释文【案古字办通用辨此条之误与前士相见礼注改辨从办同】

向 注曰贾人乡入陈币东面俟按释文云向许亮反下同前释南乡云下以意求之以二音攷之对乡之乡从乡曩向之向加日此曩向之向也宜加日后乡公乡将乡时乡以皆同从释文

檀 注曰凡檀褐者释文云檀音但独监本以檀为礼从释文及诸本

有 注曰若有所问也监本无有字从诸本

凡 注曰几宾左几按疏上几作凡从疏

一一 注曰嫌宾者一一授之监杭本以一一为二从巾箱严本

腥 注曰有腊者所以优宾按疏腊作腥经曰腥二牢鼎二七无鲜鱼鲜腊今注作有腊传写误也从疏

束 注曰豕东之按疏云豕束 其足亦北首经云牛以西羊豕豕以西牛羊豕则豕在羊西言东非也束字误作东尔从疏

央 注曰中夫之西杭本以夫为失按监本作央从监本

□ 注曰今之防也按释文云□刘音须一本作防从释文【案周礼内司服郑注云素沙者今之白防也今世有沙穀者名出于此释文云刘音绢声 以为今作绢字此处释文独作□□乃繻字俗体又作刘音须繻固有须音然与周礼音义刘音绢相刺谬矣以声 证之音绢是也须乃绢之讹以周礼证之此注作防是也释文讹而为□张氏淳不能订正释文之讹转据以改注疎矣】

侯 注曰凡君有事于诸侯臣之家按疏无侯字从疏已

注曰明已受赐大小无不识监本已作已从诸本已

注曰明去而宜有已也按疏云宾去礼宜有已已当为已从疏

遂 注曰郑伯恶其大夫高克使之将兵逐而不纳此盖请而不得入按监本逐作遂郑伯于高克不召使归而已非逐也遂者谓遂其将兵之事而终不召也于义为得从监本

于 注曰主于闾按释文云于闾从释文

已 注曰以已至朝监本已作已从监本

版

注曰方板也按释文云版音板从释文【案方板之板永乐大典原本作版今据释文改正】

其 注曰少退别其处按释文别于之注云别处同别处谓此也无其字从释文

跋 注曰𨇗涉山川按释文释经释𨇗之注云注跋涉音同此𨇗盖跋字也从释文

赍 经曰又赍皮马注曰赍犹付也又曰马云赍按释文云赍子兮反注同九经字樣云赍持遗也作赍者讹见周礼窃意作字样者见周礼而忘仪礼今攷聘礼一篇经注言赍凡二一曰使众官具币及所宜赍二曰遂见问几月之资注曰资行用也古文资作赍二赍文义皆资也无持遗意故其字从赍至于赍也郑氏皆为付不与赍同义训既别岂得通用况释文赍赍两出必非一义从释文【案說文赍持遗也从贝齐声俗体作赍又讹而为赍古字资亦通用赍此注赍犹付即持遗意乃赍字本义张氏于六书之学未尝讲求故往往不辨俗体而改是从非专就释文字画用为据证其亦昧于本矣】

辞 经曰辞曰非礼也敢对曰非礼也敢辞按注云辞不受对答问也二者皆卒曰敢言不敢又按疏云辞谓宾辞主人答谓宾答主人介则在旁曰非礼也敢以注及疏文义攷之下美一辞字审矣又窃疑注辞不受也之句上更有一辞字传写者误以注文作经文今减经以还注减经从注疏

贄 经曰又见之以其挚按释文作贄从释文

穷 注曰鞠躬如也经同按释文云鞠躬刘音弓本亦作躬尔雅云鞠躬穷也鞠躬盖复语自论语作鞠躬学者遂不复致思于其间安知非鞠躬若蹢躅之谓者乎如是则刘音亦误矣从释文

豚 注曰举足则志趋卷遽而行也按释文云豚大本反从释文【案此注卷豚而行即玉藻所云圈豚行是也】

也 注曰舒鴈鵝按释文云鵝也从释文

公食大夫礼误字

为 注曰问所以来事按释文云以为于伪反今本于以字下脱一为字从释文

𦣻 经曰士举鼎去𦣻于外按释文𦣻作𦣻初改仪礼者尊𦣻则从𦣻至于此鼎𦣻亦为𦣻是𦣻也以茅为之若束若编必不从巾也从释文

也 注曰其故处按释文下有也字从释文

言 注曰不言防错俎尊按释文云不防中无言字从释文

鉶 经云宰夫设鉶四于豆西按释文云设鉶音刑经又曰鉶笔释文亦作鉶此篇鉶字在经有四在注有二释文释其前设鉶作鉶写其后鉶笔又作鉶其间二经二注之鉶但不复释及无因而见尔必不从鉶也悉改作鉶从释文

燕礼 注曰燕礼记曰凡奠者于左疏云燕礼无此文乡饮酒乡射记皆云此必传写者误予窃疑以为凡饮酒皆燕也今之奠觶盖乡饮酒乡射中之燕礼尔姑从注

内 注曰肉则谓鮓为脍按监本肉作内从监本西 注曰北面于阶上按疏云西阶上从疏

作 注曰皆为莞按释文云作莞从释文

也 注曰已有咸和按释文云和也从释文

仪礼识误卷二

宋 张淳

觐礼误字

曰 注曰小行人职曰按监本日作曰从监本

已 注曰上介出止使者则已布席也按杭本已作巳从杭本

卿 注曰大夫者卿为讶者也监巾箱杭本卿皆作乡按释文云作乡者非从释文严本

之 注曰不敢由宾客位也按监本客作之从监本者

注曰卑者见尊按释文见侯注云卑见同卑见谓此也中无者字从释文

至 注曰王不使人受马者主于享王之尊益君侯氏之卑益臣按疏云王犹亲受其玉今至于三享贡国所有行供奉之节故使自执其马王不使人受之于庭者是王之尊益君侯氏之卑益臣故也详其义主字当作至从疏

宫 注曰宫谓壝土为埒按诸本宫皆作宫从诸本王 注曰王官之伯帅之耳吉观国所校监本改王为曰未知孰据篇末之注有是王官之伯防诸侯而盟从诸本

旂 经曰天子乘龙载大旆按诸本旆作旂从诸本

丧服误字

防 注曰搗扼也按释文扼作防从释文

嫡 注曰不言适子按释文云言嫡本又作适至后适子注云后除适人之 可以意求之则自经文适子后始用适字尔从释文

于 注曰别然男子也按监本然作于从监本

关 注曰言在室者谓已许嫁按监巾箱杭本谓作关疏云关通也通已许嫁从诸本及疏

防 注曰如着防头焉监本防【案此下有脱文当是言监本防作幪】从诸本【案幪从臬得声不从参俗体往往讹濶张氏以防为正亦由不知六书谐声之义】

曰 注曰凡女行于大夫以上曰嫁按诸本日作曰从诸本

咸 注曰始祖者感神灵而生按监本感作咸从监本契 注曰若稷契也按释文作 五经文字云作 讹释文必有据从释文【案契从大俗体讹作 五经文字驳正之是也此书专主释文于字义殊疎】

子 经曰女女子适人者为其父母期按前章云女子子适人者为其父母此经下女字当作子从前章

圻 注曰天子畿内之民按释文云圻巨衣反本又作畿从释文

口 经曰是嫂亦可谓之母乎按释文云口本亦作嫂从释文

叟 注曰嫂犹叟也按释文叟作叟素口反从释文见 注曰当言其以明之又曰足以明之矣按释文见恩注云下以见同下无以见字必是误作以明也从释文

复 注曰不得祖公子又曰不得祀别子按释文云不复扶又反复谓此二句得字误也不得者禁止之辞也公子称先君公孙祖诸侯于礼为僭禁之可也其曰不得称不得祖宜也若公子之子孙有封为国君者则后世不祖公子人情然也何用禁为不复云者盖既祖此则不再祖彼焉尔经于上称先君祖诸侯皆云不得于下止言不祖义可见矣今改二句之得为复从释文

尊 注曰治其缕如小功而成布尊四升半又曰以服至也按疏上句多一尊字下句少一尊字后记縗衰之注云不敢以兄弟之服服至尊也与疏下句之义合并从疏

丈 注曰此主谓大夫之为殇者服也按疏大作丈从疏

庶 注曰公之昆弟不言庶者此无服无所见也按疏云若为母则兼云庶以其适母适庶之子皆同服妾子为母见厌不申今此经不为母服为昆弟以下长殇竝同故不言庶也攷疏之义无葢庶字也从疏

注曰异为孺子室于宫中按释文孺作 从释文【案 乃孺之俗体讹舛不成字张氏从之非也】

尸 注曰将亡失尸柩也按释文尸作尸从释文斂

注曰其奠如大奠按释文奠作斂力验反从释文弁

注曰士虽当事皮锡衰而已按监本云皮弁锡衰从监本

士丧礼误字

庸 注曰疾时处北墉下按释文云庸如字墉也本亦作墉从释文

筐 经曰受用筐按释文云筐方鬼反本或作篋从释文

湏 注曰槃承湏濯监本湏误作澣按释文云湏奴乱反从释文及诸本

于 注曰将县重者也按释文释前重字注云于重同则此重字上有于字从释文

反 注曰及其巾而已按疏及作反从疏

中 注曰又还结于项巾按监杭本巾作中从监杭本指 注曰令不挈也按释文云挈指从释文

繹 注曰今文泽为也按杭本云繹为泽从杭本黻 注曰大夫 冒黼杀按监杭本黼作黻巾箱严本之为黼其以礼记丧大记之文乎礼器曰君黼大夫黻丧大记之文盖误也从监杭本

之 注曰黑衣裳赤缘谓之祿按释文云缘之则缘下有之字从释文

璆 注曰天子以球玉按释文球作璆从释文

瑱 注曰天子搢珽监本珽作瑱按释文云瑱他顶反本又作珽从释文

絢 经曰皆纁缁絢纯按释文云缁纯中无絢字郑氏注周礼屨人全引此文亦无絢字郑氏又云言纁必有絢纯言絢亦有纁纯今之有絢字后人加之也从释文

此 注曰比皮弁之屨按监杭本比作此从监杭本贝 注曰皆者皆具以下按上文云贝三盖自贝三以下皆 于西序传写者误以贝为具后经曰受具按诸本亦作贝从上文及诸本

也 注曰复于筐处按释文下有也字从释文

褱 注曰象平生沐浴褱程按监本及释文程作褱既夕礼谓其褱程按监本亦作褱并从监本及释文

也 注曰送终之礼按疏下有也字从疏

在 注曰不在数明衣按释文云不数中无在字从释文

之 注曰决以韦为之借按释文云为借中无之字从释文

识 注曰紃被也按释文云【缺】识【案识字上永乐大典注云缺据释文云被饰盖脱一被字】申志反紃被之识也所以识前后也无识字则句不成文从释文

襩 注曰袍茧之属按释文作襩从释文

变 注曰又将初丧服也按监本丧作变从监本之 注曰如今之着防头矣按释文云今着中无之字从释文【案此条永乐大典误分为二脱按释文三字于云上作一之字以为标题今改正】

眊 注曰今文眊眊为迫按监本无一眊字从监本眊 注曰眊皆为眊按释文眊作眊从释文

坊 注曰礼防其以死伤生按释文云坊音房本亦作防从释文

大 注曰燎火燹按释文云大燹从释文

楯 注曰君殡用輶按释文云用楯勑伦反此必后人因礼记之文改从车尔既夕礼注谓之楯同从释文

轴 注曰輶輶轴也按监杭本輶作轴从监杭本匕
注曰谓豚体及上俎之陈按监杭本上作匕从监杭本

斂 经曰君若有赐焉则视斂按监本斂作斂注云斂大斂从注及监本

弥 注曰巫掌招弭按释文云弥亡婢反又作弭从释文

当 注曰常筵位按监本常作当从监本

中 注曰中央壤也监本中误作申从诸本

挈 注曰掌共燹契按释文云挈本又作 从释文择
经曰卜宅如初仪按上文有云筮择如初仪此卜日尔非卜宅也择宅音同故误从上文

既夕礼误字

俛 经曰夷牀 于阶间按释文云俛音夷本亦作夷从释文

正 注曰朝正柩用此牀按释文云朝柩中无正字从释文

防 注曰烛用蒸按释文云防之承反薪也从释文蒙 注曰此不象如初者按疏象作蒙从疏

程轴 注曰穿程前后着金而关軹焉按疏程作程軹作轴监本亦作轴从疏及监本

防 经曰御者执策立于马后特牲馈食礼注曰北面以策动作豕按释文策作防并从释文

御 注曰抗御也所以御止土者按释文云御也鱼吕反亦作御下同从释文

瓮 经曰甕三按释文瓮从瓦从释文

防 经曰杖笠翬注曰翬扇按释文云防所甲反扇也此非墙翬之翬故从竹从释文

祖 注曰为将袒变按疏袒作祖从疏

北 注曰参分庭之此按监杭本此作北从监杭本也 注曰离防按释文下有也字从释文

祝 注曰君容祝按释文云祝尺六反从释文

丈 经曰妇人入大夫踊按监本大作丈从监本也

注曰不忍一日离按释文下有也字从释文啼 经曰主人啼按释文云啼大兮反从释文【案啼说文作𠵽若啼于义絶远当是讹舛不可从】

輶 经曰褻貌如輶按释文輶作輶从释文

也 注曰盪水便按释文下有也字从释文

褱 注曰若今之褱褳按释文褱作褱音昆从释文夕 注曰为少进醴酒按疏少作夕从疏

藁 注曰苦编藁按释文藁字无艹与后藁车同从释文

幕 注曰古文𦉳为𦉳按释文𦉳作幕音莫从释文末

经曰垂未内鬣按监巾箱杭本未作末从诸本中

注曰室东南隅谓之防按疏室下有中字少牢馈食【缺 案永乐大典注云缺今攷少牢馈食注曰室中西南隅谓之奥当是引此句以证室下有中字耳】

为 注曰輶或作拱按监本云为拱从监本

翫 注曰玩好日赠按释文【缺 案永乐大典注云缺今攷释文云翫好当是引以证玩从释文作翫其日字之误当引韦昭国语注云送之以物曰赠以饮食曰饯为证】

为柴 注曰今文柝作柴按释文云为柴从释文矢

经曰獬矢一乘按释文獬字上更有一矢字从释文

注曰輶摯也按释文云輶 音至本又作贄又字林竹二反苟从手非难晓者陆氏必不再引字林从释文

士虞礼误字

作 注曰今文局为 按释文云作 从释文

防 注曰如今擯衣也按释文云防音宣手 衣曰防又作擯音患从释文

言隳 注曰墮之犹言墮下也按释文云犹隳则言字当在犹字上墮下之墮当作隳今本以墮解墮其误不待辨从释文【案墮古通用隋周礼守祧之文可证即仪礼中亦皆作隋故注以墮解之若隳乃墮之俗体耳注文当作隋之言犹墮张氏不知上墮字与经并应为隋而改下墮字以从俗疎矣】

间 注曰饭间啗肉安食气按监巾箱杭本间作门从诸本

右 注曰几在南变古文按疏云上文设几席于室中东面右几今云几在南明其同必变文者按少牢大夫礼亦几在南此言右几嫌与大夫同此疏之言也予以为郑氏称作经者变上右几之文而已未必及大夫也若以是为嫌上文何独不嫌也然古必作右从疏

诸 注曰或者远人乎按疏者作诸特性馈食礼注亦曰或诸远人乎从疏

为 注曰今文或作芾按释文云为芾从释文

记 注曰记异者之节监巾箱杭本记作既按疏与严本同从疏严本

令 注曰令正者自相亚也监本令误作今从诸本曰
注曰卒哭日成事按檀弓日作曰此引檀弓文也从檀弓

旦 注曰尸且将始祔于皇祖按疏且作旦其辞曰是明日之旦也从疏

揃 经曰沐浴栉搔髻按释文云揃子浅反注髻同既曰注髻同则髻非经文也又注云揃或为髻此揃必指经也从释文

古 注曰古文常为祥监本古误作吉从诸本

道 注曰古文禪或为导按释文前道之注云为道同此导当作道从释文

特性馈食礼误字

为 注曰闕作蹙按释文曰为蹙从释文

日 注曰士祭曰岁事监本日误作日从诸本

輿 注曰如今大木輦矣按释文云木輿从释文

经曰豆笾铏在东房按释文云铏音刑其后铏笔亦写作铏则此篇之铏皆铏也从释文

室 注曰西夹室之前近南耳按疏无室字此篇末注云东堂东夹之前聘礼经曰西夹亦如之公食大夫立于东夹南注曰箱东夹之前覲礼注曰东箱东夹之前士丧礼注曰袭经于序东东夹前亦不带室字从疏

蒙 注曰不象如初者按疏象字于既夕礼作蒙从既夕礼

日 注曰谓明日质明时而日肉孰按监本而日作日从监本

于 注曰齐于坵按释文云齐坵中无于字从释文

注曰漑之釜鬻按释文漑作概古爱反从释文此

注曰比衣染之以黑按诸本比作此从诸本道

注曰宗人则执毕导之按释文导作道下文注所以导食通气及前犹导也同从释文

匕 注曰临匕载监本匕误作上从诸本

未 注曰主人未执事监本未误作求从诸本

枋 注曰加匕东柄按释文柄作枋从释文

铏 经曰及两铏笔监本云及两铏铏笔多一铏字从诸本

彊 注曰飧劝强之也按释文强作彊从释文

圭 注曰主为孝荐之按监本主作圭从监本

于 经曰右取菹防于醢按释文云防醢中无于字从释文

隋 注曰士虞礼古文曰祝命佐食墮祭周礼曰既祭则藏其墮按释文释按祭云音堕后隋祭按祭皆放此后少牢馈食礼经曰墮祭尔敦按释文亦作隋许规反下同注又曰按读为墮按释文音绥字注云隋亦放此有司注曰按读为藏其墮之墮按释文音绥字注云并注按及隋皆许悲反后放此然则三篇之墮皆隋字也与周礼守祧之文合至于士虞礼之墮祭与举周礼之文释文于彼自作墮并从释文

芳 注曰祭酒谷味之芳芳者按监本作芬芳从监本大
注曰大羹清自门入巾箱本大误作六从诸本菹 注曰肺脊初在俎豆按疏作菹豆经上文云
尸实举于菹豆注云举谓肺脊今自菹豆加于肫俎也从疏

妥 经曰佐食授授祭按注云妥亦当为授又云今文或皆改妥作授则经文授盖妥字也从注

少 注曰季小也按释文小作少少牢馈食礼季犹小同从释文

拜 经曰佐食北面拜受角巾箱本拜误作和从诸本豕 注曰豕亦然巾箱本豕误作家从诸本

祝 经曰献洗及佐食巾箱杭本洗作况按监本作祝从监本

复 注曰古文备为复监巾箱杭本无复字从严本面 经曰降实散于筐主人出立于户外西南
按下文有云上 答拜受爵降实于筐主人出立于户外西面此南字亦当为面从下文

已 注曰大宗已侍于宾奠监本已误作己从诸本亦如
经曰醑下 亦如之巾箱亦如误作交加从诸本

宾 注曰唯实俎有司彻归之按监本实作宾从监本鼎 经曰幂用绌按注作鼎从注

裹 注曰可烝里之也按释文云裹音果从释文辟
经曰饔饔在西壁注曰西壁按释文云辟步历反又音壁从释文

南 经曰内宾立于其北东面西上按监巾箱杭本西作南从诸本

辟 注曰辟大夫妻监本辟误作臂从诸本

已 注曰为其已甚卑而全之监本已作己从诸本

少牢馈食礼误字

版 注曰书于板按疏作版从疏

鼎 经曰同楸皆有幂按注云今文鼎作幂鼎指经也经字必鼎后乃啓二尊之盖鼎同从注

注曰古文柈作 监本 误作上从诸本

侈 经曰主妇被锡衣移袂按释文云侈本又作移昌尔反从释文

作 注曰今文辯为徧按释文云作徧从释文

直于 经曰置于肤北按释文云直于音值下注直室同今改二字从释文

食 注曰先饮啗之按释文云先食作饮饭者皆非【案原本脱先字皆字今据释文补正】疏亦作食特性馈食注亦曰先食啗之所以道食通气从释文疏

菹 注曰尸授牢干而实举于俎豆按疏俎作菹疏于特性之肺脊初在俎豆既作菹于此又作菹则此篇之上文注合祭于俎豆之祭也之俎亦必菹字并从疏

授 经曰祝酌受尸按经上文祝受尸爵今酌以授尸作受非也从经

绥 注曰古文墮为旡按经云上佐食以绥祭墮当为绥后注有云绥亦当为掞古文为旡此绥为旡之证也从经

左 经曰主人佐执爵按经前后文执爵皆左此佐当为左从经前后文

尝 经曰主人尝之纳诸内巾箱杭本尝误作当从监严本

啐 注曰不啐而卒爵者监本啐误作卒从诸本

有司彻误字

泛 注曰泛埽按释文云泛芳劒反与礼记同从释文曰 注曰戒日请子为侑按疏日作曰从疏

几 注曰几所以坐安体巾箱本几误作凡从诸本实 注曰臬实也按释文无实字从释文

鉶 注曰辟钶也按释文钶作鉶从释文

胲 经曰肩臂肫胲臠按释文云胲音格又音各本亦作胲从释文

所 注曰上所折分者巾箱所误作析从诸本

受 经曰尸却手授 枋按经文次序次宾缩执 俎授尸尸却手授以祭尸既祭哂复覆手授宾宾亦覆手受以降诸本误以受为授从经文次序

末 注曰絶肺末以祭按诸本未作末从诸本

共 经曰主人其祭糗脩窃疑其者共字之误而无据今攷此篇上文曰尸取饔餼宰夫赞者取

白黑以授尸尸受兼祭于豆祭又曰侑又取饔飧同祭于豆祭又曰尸祭糗脩同祭于豆祭又曰尸祭糗脩兼祭于豆祭下文曰主妇又取饔飧兼祭于豆祭又曰尸取枣糗祝取栗脯以授尸尸兼祭于豆祭夫兼祭同祭共祭一义也彼得以言兼言同此不得以言共乎今改其为共从上下文兼同之义

脯 经曰宾坐左执爵右取肺防于醢祭之执爵兴取肺坐祭之按注云祭脯肺疏曰祭脯肺者按经云取脯取肺祭之明祭是脯肺今诸本右取脯作肺从注疏

爵 经云举觶于其长按注云古文觶皆为爵延熹中诏校书定作觶此篇洗觶实觶下皆言奠爵实爵受爵卒爵不复言觶觶皆当作爵从古文

宾 注曰自尸卒爵至此亦与宾同者按疏云经既云如宾而注复云与宾同者为在上篇而发也賓当作宾从疏

士 注曰变于士也巾箱本土误作土从诸本

仪礼识误卷三

宋 张淳

释文误字

庠 谓祢注云父庙也按监本庙作庠【士冠礼】

由 螽注云又音虫按监本虫作由【士冠礼】

与 使者注云后使者举使皆同后经注无举使字此举当作与【士昏礼 案今释文作后使者及注皆同攷篇内单言使不读所吏反之音也张氏所见本并使字亦属舛误举使当作与注】

御馐

媵御注云饭御赞竝同监本以饭为馐是已于上又脱一御字经曰御馐妇余【士昏礼】

有许 咍尝注云谷梁未尝有咍血之盟又曰或楚未详按建阳本于谷梁下有有字监本以详为许【士相见礼】

大 大师注云大平王王皆同此本以大为王监本去王字皆误郑注有曰昔大王王季今改王王为大王【乡饮酒礼】

□ 乐之注云宴乐同按监本宴作□【燕礼】

据 告语注云鱼据反按监本据作据【燕礼】

宰 大仆注云大寄按监本寄作宰【燕礼】

言 又复注云复云郑注有曰复言之者云字当作言【燕礼】

恭 为其注云为祭同按郑注曰欲以臣礼燕为恭敬也此祭当作恭【燕礼】

夫 文辩按经云大夫辩受酬此文当作夫后大射亦作夫辩出音【燕礼】

回 下贤注云延嫁反按监本延作回【燕礼】

燂也 其次阍人按经燂也在阍人下【燕礼】

皮 醢注云以支反刘书支反按监本以支字当作皮【燕礼】

但 青豕五旦反按监本旦为但

道帅 道入注云下逆道宾道帅道放此按郑注有曰众介逆道宾而出也又曰亦道宾之义也又曰大夫先升道宾今诸本误以道宾为宾道监本又误以帅为师

感 醢醢他惑反按监本惑作感

为 为拜注云君为酢为之为皆同按郑注有曰为君之答已也又曰为酢主人也又曰丧礼杀为之不备当曰为君为酢为之皆同【聘礼】

讎 作计音赴监本计作仆皆误当作讎【聘礼】

飧食 公食注云食飧当作飧食【公食大夫礼】

苦 若荼按监本若作苦【公食大夫礼】

作傅 作傅其次侠门按经作 在侠门下【觐礼】

阼 间寺按监本云阼寺【丧服】

余 者与音预监本预作余注曰然则女君有以尊降其父母者与当作余【丧服】

也 盛米注云盛筓同下无盛筓字有曰殷盛也筓家当也或曰殷盛之盛去声也按筓豆具而有巾盛之也释文亦音成与此同尔【士丧礼】

斂 用斂举琴反按监本斂作斂【士丧礼】

晚 挽而音挽按监本挽作晚【士丧礼】

七 释采士代反按监本土作七【士丧礼】

才 兄弟从注云下用反按监本下作才【特性馈食礼】办 犹辨辨当作办【特性馈食礼】

注 啓防注云下主于防同按监本主作注【特性馈食礼】嘏
听虾古雅反受福曰虾虾长也按监本虾作嘏少牢馈食受虾同【特性馈食礼】

敷 作激注云刘本作微音敷敷必敷字之误也【特性馈食礼】

孕 甌甌子盈反按监本盈作孕【少牢馈食礼】

申 挽手由銳反按监本由作申

雕 曉呼报反监本报作雕

淳于经注兼辨监本巾箱本之误今至释文乃独不然非敢畧也惧其烦而已此本之及作乃
旦作且土作士文作丈之类改而正之尔亦不复辩